

ԾԷ.

Հետեւեալ կոնդակին հեղինակն է Աբրահամ Բ. Կաթողիկոս Էջմիածնի «ի գեղջէ խոշարայ յերկրէն վանայ». կը կոչուի նաև մշեցի և քիարտիտանցի, Մշոյ Ս. Կաթակետին առաջնորդ եղած ըլլալուն համար¹:

Աբրահամու կաթողիկոսութիւնը տևած է չորս տարի (1730-1734):

Է

ՅԻՍՈՒՍԻ ՔՐԻՍՏՈՍԻ ծառայ Տէր Աբրահամ յօգնաթախիծ կաթողիկոս ամենայն Հայոց և Պատրիարզ Վաղարշապատու Լուսակառոյց և Տիրանկար Սրբոյ և մեծի երջանկազարդ Աթոռոյ Էջմիածնի:

Յոր մեզ հոգևորական միարար սէրն և զկուսածնաւանդ ողջոյնն և զաստուած սուրբ հոգւոյն գծեր և զսուրբ գահիս զպարգևսն և զլուսատուին մերոյ շնորհաբաշխ սուրբ Աջոյն զշնորհն, հանդերձ եւանդնոս կաթողին ըղծիւ և խանդակաթ բաղձանօք ընծայեալ նուիրեմ ի վերայ երջանկապատիւ սիրելւոյդ իմոյ, և հարագատ նազելի զաւակիդ մօրս լուսոյ, օրհնեալ բազմաժողով քաղաքիդ Եւդոկիոյ Հեղինակ Մինաս Աստուածաբանութեանն վարդապետիդ և Արհիպպանծ եպիսկոպոսիդ ի տէր խնդալ մեծաւ արգահատութեամբ և բնաւին խաղաղութեամբ, ի լրուծի երկնաւորին խնդութեան. նաև հարցազրննեմ զհարգն և զորպէսն քոյոյ բարեպէս կելոյդ, զոր տէր անփորձ պահեսցէ և փրկեալ ազատեսցէ ներքնոց և յարտաբնոց ձախողակի կրից ի փառս եկեղեցւոյ իւրոյ. ամէն:

Եւ ընդ սիրառարի ողջունանուիրի քարտեկիս ծանիցէ յօգնիմաստ զիտութիւն վսեմազարդիդ, զի ծիր սիրոյ սիրելւոյդ իմոյ ժամանեալ եհաս առ իս՝ և ընթերցեալ ծանեալ(յ) զհամայնսն զոր ինչ ի նմա բացերեց էր մեկնաորակիւ. վասն որոյ սիրելի նախ ասեմ Լուսահոգի փիլիպպոս վարդապետի կողմանէ զլուիդ ողջ լինի. հոգւով սրբով միխթարիս. աստուած իւր հոգին լուսաւորէ, և Բժ.ան վարդապետացն սրբոց դասակից և պսակակից արասցէ. ամէն: Կա ևս սիրելի իզմիրու առաջնորդական կէլուրի կողմանէ զոր գրեալ էիր, իբր թէ տարինն Ի՛նչ քէսայ կելուր կը լինի. զի այս վասն նախանձու գրեալ են իզմիրցիքն, զիտեմ նազելի և լուեալ եմ ի բնէ անտի Հայրապետ Սիմէօն և Մանուէլ լուսահոգի վարդապետաց յիզմիրու ի սուրբ գահս հասուցեալ կելուրն. և քոյդ եւս զիտեմ որ քան զնոցա առաւել է, մանաւանդ գեղեցիկ շուրջանն և զաւազանն հանդերձ և այլ պատուական իրօքն և ընծայիքն զոր յղեալ էիր առ իս. սոքա եւս յաւելորդութեանն յաւելորդն է, և զիտէ տէր որ ճշմարիտ քոյն քան զնոցա աւելի, բայց իզմիրցիքն զայն նախանձու գրեալ են առ իս. վասն որոյ յետ քանից աւուրց նոցա զիր հասարակ գրելոց եմ ըստ գրեցելոյ քում, և կոչելով զնոսա ի սուրբ գահս դատաստան վասն միոյ ամեան Ի՛նչ քէսայի կողմանէ. և դու սիրագունդ իմ լեր այսու ամենայնիւ անհոգ և միամիտ. զի գրապեղքն անկանելոց են ի խորխորատ՝ ըստ սաղմոսին. ողջ լեր տերամբ յիսուսի, ի շնորհ տեառն հանդերձ պաշտական մանուէլիքդ. և ընդ քեւ հովաւնաւորեալ ժողովրդական երամովքդ. Ամէն: Գրեցաւ ՌճՁԳ թվին յուլիսի ԺԳ, առ դրան մեծի վեհարանիս սուրբ Էջմիածնի:

[1734]

[Աբրահամ Կթղկոս, ամենայն Հայոց]

Գարձեալ զայս ևս ծանիր սիրելի. զի լուսահոգի փիլիպպոս վարդապետի զամենայն ինչսն եթէ զգեստն, թէ շորեղէնն և թէ նաղտն և թէ վէճն ի քեզ է յանձին. նաեւ

1. Չամչեան. Պատմ. Հայոց. Գ. էջ 805.